

Tunngaviusunik inatsisiliortunut innuttaasunik tusarniaasarnerni
ileqqorissaarnikkut ileqqoreqqusat

I. Tunngaviit nalinginnaasut

1. Ileqqoreqqusat uku Inatsisit tunngaviusussat pillugit Isumalioqatigiissitanut ilaasortaasut, taakkununga ilaallutik immikkut ilaasortaatitat alaatsinaatsullu, tamanut ammasumik innuttaasunik tusarniaasarnernanni ilaasortat qanoq pissuseqarnissaannik naatsorsuutigineqartunik aalajangersaaviupput.
2. Toqqagaanerminnik akuersinermikkut ilaasortaasut inatsisinik tunngaviusussanik suliagarnerminni Kalaallit Nunaata inuisa kikkulluunniit isumaannik unneqqarillutik katersinissartik, misissueqqissaarnissartik peqqissaartumillu isumaliutiginninnissartik siunertaralugu inunnik naapitsisarnissartik suliassatut tiguaat. Isumalioqatigiissitanut suliassiissutitut najoqqutassiami innuttaasunik peqataatitsinermut tunngasut aalajangersakkat eqqortinneqassapput.
3. Ilaasortaasut tusarniaasarnerminni tunngaviusunik inatsisiliortunut ilaasortaanermikkut pisussaaffitsik ataqqinarpaluttumik persuarsiornaraluttumillu isumagissavat. Taamaamat ilaasortat pisussaaffeqarput unneqqarissumik naapertuilluartumillu sulissallutik, aamalu qularnaassavaat iliortarnermikkut tunngaviusunik inatsisiliortut tutsuigineqarunnaarsissannginnamikkit.

II. Innuttaasunik tusarniaasarnerep ingerlanerani ilaasortat suliassat pisussaaffiilu

4. Isumalioqatigiissitanut ilaasortaasut tusarniaasarnerminni pisussaaffigisaat tassaapput:
 - a. Tusarniaanerit peqataaffigeqquneqartut tamaasa peqataaffigisassallugit (peqquteqavissumik najuussinnaannginnerit minillugit), aamalu suliassiissutigineqartut tamakkerlugit unneqqarissumik suliarisassallugit;
 - b. nammineq inuttut isummani, imaluunniit parteerisap isumaa, imaluunniit inatsisinut tunngaviusussanut taarsiullugu periarfissat allat saqqummiuttassanagit;
 - c. innuttaasunit isummat saqqummiunneqartut ataqqillugit tusarnaarnissaannut periarfissatsialattut innuttaasunik tusarniaanerit atortassallugit;
 - d. oqaluttut tamaasa ataqqilluinnarlugit pisassallugit, aamalu isummat ammip qalipaataa patsisigalugu assigiinngisitsinissamut assigisaanullu kajumissaarutaassanngippata isumaqatiginerlugit isumaqatiginnginnerlugilluunniit nammineq isummi ersersittassanagu;
 - e. suliap sapinngisaq tamaat peqataatitsiviunissaa qularnaartassallugu, aamalu kikkut tamaasa naligiimmik pisassallugit suaiaassusiat, utoqqaassusiat, ammip qalipaataa, oqaasii imaluunniit inuiaqatigiinni inooqatigiinnikkut aningaasarsiornikkullu qanoq inissisimaffii apeqqutaatinngilluinnarlugit;

- f. peqatigiissut, imaluunniit inuit ataasiakkaat, tusarniaanermut qaaqqusaasut assigiimmik piffissaqartitaallutillu periarfissaqartitaallutik isummaminnik saqqummiussisarnissaat qularnaartassallugu;
- g. isummat tamarmik unneqqarissumik allanneqarlutillu nalunaarsorneqartarnissaat; kiisalu
- h. inoqarfiit, imaluunniit peqatigiissut, tamarmik tusarniaaviasimasut unneqqarilluni imaqar-niliamik tigusaqarsinnaanissaat qularnaartassallugu, aammalu pisariaqartitsineq naapertor-lugu naqqiissuteqarnissaannut piffissaqartilluarlugillu periarfissittassallugit.

III. Isertuussisussaaneq (isumannaallisaaernerup tamanna pisariaqartissappagu)

- 5. Isummat aalajangersimasut tusarniaanermi saqqummiunneqartut eqqarsatigalugit inuit ataasiakkaat, peqatigiit nunaqqatigiilluunniit kikkussusiinik ilaasortat kikkulluunniit saqqummiussisassanngillat.

IV. Maleruaaneq

- 6. Ileqqoreqqusaliani ukunani aalajangersakkanik sunilluunniit nalornissuteqartoqartillugu tunngaviasunik inatsisiliortunut ilaasortat isumalioqatigiissitat siulittaasoqarfiannut atta-veqartassapput.

Atuutilersitsineq

Nummi, ulloq 29. august 2019


Atsiornerit:




Doris J. Jensen, siulittaasoq



Kuupik V. Kleist, siulittaasup tullia



Nivi Olsen, ilaasortaq



Per Rosing-Petersen, ilaasortaq

Panínguak M. Kruse

Panínguak M. Kruse, ilaasortaq

Aleqa Hammond

Aleqa Hammond, ilaasortaq

Anita Hoffer

Anita Hoffer, ilaasortaq

Daniel Thorleifsen

Daniel Thorleifsen, immikkut ilaasortaataitaq

Rosanguaq Rossen

Rosanguaq Rossen, immikkut ilaasortaataitaq

/

Johan Lund Olsen

Johan Lund Olsen,
Allattoqarfimmi pisortaq